

MAKALA A SARS A TLO BULWA KA MEKIBELO KA OKTOBORE BAKENG SA GO FANA KA THUŠO YA DITIRELO TŠA DIPUŠETŠO TŠA MOTŠHELO WA LETSENO

PRETORIA, 30 Setemere 2019 – Makala a SARS a tlo bulwa ka Mekibelo ka Oktobore 2019 go thuša balefela motšhelo ka go faela dipušetšo tša motšhelo wa letseno la mong.

Go nolofaletša balefela motšhelo gore ba kgone go obamela pušetšo ya motšhelo, makala a SARS a tlo bulwa go tloga ka 08:00 go fihla ka 13:00 ka la 5, 12, 19 le la 26 Oktobore 2019.

Thušo yeo e **fiwago ka Mekibelo e tlo kgaoletšwa go:**

- Thomelo ya dipušetšo tša motšhelo wa letseno la mong
- Thuša balefela motšhelo ka mong go ngwadiša le go faela go SARS MobiApp.

Balefela motšhelo bao ba fihlelago dinyakwa KA MOKA tšeo di latelago ba gopotšwa gore GA BA hloke go faela pušetšo:

Palomoka ya gago ya letseno la mošomong la ngwaga pele ga motšhelo ga e fete R500 000

- O amogela fela letseno la mošomong go tšwa go MONGMOŠOMO O TEE bakeng sa ngwaga ka botlalo wa motšhelo.
- Ga o na mokgwa o mongwe wa LETSENO (mohlala, koloi, putseletšo, letseno la kgwebo ale letseno la rente, tswala ya go tšhelelwa goba letseno go tšwa go mošomo o mongwe)
- Ga o na putseletšo enngwe ya tlaleletšo ya go nyalelana le dikgogelo tša motšhelo tšeo di ka kleingwago (mohlala ditshenyagelo tša kalafo, dikabelo tša go rola modiro le ditshenyagelo tša maeto).

SARS e rata go gopotša balefela motšhelo go tla le ditokumente tša thekgo go efoga tšharakano. Di akaretša:

Dintlha tša gago tša go pank

- Ditefikeiti tša gago tša IRP5/IT3(a)

- Ditefikeiti tša [IT3(b)] tšeo o di amogetšego bakeng sa letseno la dipeeletšo
- Dintlha tša ditshenyagelo tša kalafi tšeo o di lefeletšego eupša di sa akaretšwe ke thušo ya gago ya sekimi sa kalafo
- Setifikeiti sa thušo ya Kalafo bakeng sa dintlha tša dikabelo tša thušo ya kalafo tšeo di dirilwego eupša di sa tšwelele go ditifikeiti tša gago tša IRP5/IT3(a)
- Foromo ya go tlatšwa ya tiišetšo ya kalafi ya bogolofadi (ITR-DD), ge go hlokega
- Ditefikeiti tša dikabelo tša go rola modiro

• Dintlha tša maeto a kgwebo (ge eba o amogetše putseletšo ya maeto goba o nyaka go kleima kgatlhanong le kholego ya diputseletšo tša tlaletšo bakeng sa sefatanaga sa go fiwa ke mongmošomo)

- Tshedimošo ka ga dikhrediti tša motšhelo wa naga ya ka ntle yeo e swareletšwego
- Ditatamete tša ditšhelete, ge go hlokega mohlala, letseno la kgwebo
- Ditlabelo tše dingwe le tše dingwe tša go nyalelana le letseno tšeo o di amogetšego goba o di gogetšwego tšeo o nyakago go di kleima.

Matšatši a mafelelo a Setlha sa Motšhelo sa 2019 a go faela dipušetšo tša motšhelo wa letseno la mong ke:

- 31 Oktobore 2019 bakeng sa balefela motšhelo ba sebakanyana le bao e sego ba sebakanyana bao ba etelago lekala la SARS bakeng sa thušo ya go faela
- 4 Disemere 2019 bakeng sa balefela motšhelo bao e sego ba sebakanyana, bao ba dirišago eFiling goba SARS MobiApp
- 31 Janaware 2020 bakeng sa balefela motšhelo ba sebakanyana bao ba dirišago eFiling.

Re hlohleletša balefela motšhelo go dira seo se lokilego, gommogo ka ge kabelo enngwe le enngwe ya motšhelo e re kgontšha le go aga naga ya temokrasi ya go kgona yeo e tšwetšago pele kgodišo ya ekonomi le tšwetšopele ya selegae go dikgatlhego le maphelo a maAfrika Borwa ka moka.